

曲阜縣志序

天下志乘之全責在史官勢必出一郡一邑之分見者基之顧其始事莫適為主其鄉之士大夫曰非吾事也其守土之官曰吾事也然姑有待也且夫假尺寸之柄積歲月之久以成一書為功似易然非老於文者或莫幾焉與其率然以從事毋寧待也而欲索之一旦難矣曲阜志凡數修皆孔氏惟孔毓坻所輯稿本未梓行前邑侯今遷濮州牧楚南潘君當鑿與五幸

盛典續修之後慨舊志殘缺發憤圖之書成為卷百體閱以正考據詳審其通編二十一卷兼編年分國之例尤善取材雖遷濮不以身去弛其志蓋未及三年凡四易稿而後授梓可

曲阜縣志序

一

謂敏事也已君自序猶虞其以速成或致踈畧夫歷代正史其在高下判然大扞得其人則鮮失不得其人則多失又專責之一人則易精分授之衆手則易彌不係成之久與近也惟志亦然君積學潛文毅然以述作自命既親履

聖鄉又恭遇

聖天子時巡展義之盛會文獻大備典禮有徵於焉哀萃潤色以盡其才宜其取精多而成功偉矣聖蹟諸門舊志太畧闕里文獻考迺為詳核君書釐要學綱互有增損又精於圖繪其藝文即因事以附見志與家乘殊科言貴各有當耳嗚乎更治競趨案牘則文事後矣前年東昌守胡君書巢歷城志成予為序之今又為潘君序此蓋賢大吏撫綏有方守令所

至科條不擬用得單思古義奮文筆以備他日輶軒之采彬彬乎雅化也哉乾隆三十九年甲午夏五督學使者吾邶李中簡序

曲阜縣志序

二

曲阜縣志序

曲阜舊志肇輯於明嘉靖中藩僚孔宏幹厥後知縣孔宏復孔宏毅相繼增修

國初知縣孔衍淳又即舊板附刻已事其綱四曰土地人民政事文獻其目九十有二即今所存六卷三本者乾隆己丑冬孟相承乏是邦吏以志進見其篇簡皆斷爛脫落文多漫漶不可識而於

本朝百有三十年之人事未及登載竊歎為一邑廢舉祇以當務有最先者不暇為辛卯春三月今相國金壇于公扈蹕來檢古事覽志憮然顧謂君學道人茲要務也胡弗為相憊恐謝不敢當退伏念相以楚人自幼受書家塾即慕陳良悅

曲阜縣志序

周孔道為北學先長從劉瑤林先生之遊教以由洛閩途洙泗顧以因循在再無由適魯已而入成均晤賢裔顏懋倫述遺蹟益切嚮往後以大司成保薦

命教琉球生會今衍聖公入朝謁文廟派相贊儀私喜如俗稱得見小聖人越四年官福山又五年調茲邑渡洙泗拜林廟望魯故城謁周公及顏子祠見衍聖公晤孔止堂昆季暨各氏裔出所著易尊禮記釐編周禮撮要琉球入學錄諸書相質正幸得遂北學願適有侵尼山祭學田六年之訟奉飭會勘涉沂水過舞雩莫防林拜顏子墓瞻尼山顏母昌平山寓昌平鄉陬邑故里低徊十餘日疆理其田如額明年秋大修顏子廟冬又修周公廟少昊陵恭逢我

皇上五臨闕里行釋奠禮駐蹕三日

行宮尖營橋道以次虔修祭器祭物依式敬備奉侍禮部太常寺卿貳泝肄禮樂從王大臣後祭各祠廟率官紳老民婦女道嵩呼凡諸要務無細大皆蒙當事籌畫指使臚懽祝釐仰邀

天顏豫悅大官遷秩晉銜俾我小臣亦不隕越貽羞蒙

恩加級賞緞疋大吏復計勞列優等記大功甚切感慚既而奉

御製詩章恭送

欽頌周罷及銅供罷於各廟敬懸

御製少昊陵孔子廟顏子祠額聯自念何人逢茲盛軌脫以讀

曲阜縣志序

劣不文遂巡未遑舉

堯文之煥

帝典之隆與歷代

聖人重道崇儒之儀不敬恭紀錄上官之承流宣化及邑宰奉行之德刑典禮政事不以時編次聖帝明君賢人君子貞士烈女之事實不詳考登載地利肥饒食貨贏縮災祥休咎時代治亂民生休戚之所關不據實叙列濫竽令長坐糜厚祿不一修舉廢墜重負知已望是益之符也因不自揆廣求經史子集博覽各郡縣志商於衍聖公諸先後進徧告兩學儒生各陳所見所聞所傳聞增損義例就正於學使蕪湖章公命兒子承熾承燁承炳承焯及婿黃慶元分門排纂其傳贊

通編多命承焯屬草而自程以每日晨起閱案牘理民事之  
後搨管輯修雖辦公會城查災武郡猶攜書簾以往甫就初  
稿大中丞徐公奏委往署濮陽篆務務較劇諸兒請稍緩竊  
念斯志一修於前尹孔毓琚稿未定而去官再議修于嚴文  
典以陞桃源廳去削其草相既尸居四年無涓埃以裨補曲  
人脫以易地謝非已責吝此區區者而不以蒞事其若夙願  
何乃仍以餘力修輯如初及奉檄赴都門獲以目例請裁定  
於相國武進劉公今大司徒錢塘王公往反四月雨雪楊柳  
邸館傳舍篝燈塗竄或至徹曙蓋四易稿始以付攻木氏而  
已刻復改者尚數數焉噫嘻古昔名賢以平生之精力盡於  
一書又得諸良友相與是正猶不免于牴牾而相以風塵支

申縣志序

三

離上之不能於聖賢之體用窺尋什一次之不克從蘭臺巨  
公講求良史之鴻裁下之又未獲廣延名儒相與商確裁訂  
而顧以敲扑誼置牒訴控愆之餘未及三年以成是書而欲  
其無僭踰訛謬疏畧淺陋之弊誠知其難也然而集史志之  
例本儒先之論詳美善之行祛濫徇之失使夫後之賢宰得  
有所據以考定增益則猶庶幾於萬一焉乃爲之標舉其綱

奎文二卷以尊

聖製次圖考一十二次倣歷史本紀綱目前編及歷城諸城安

邱諸志之法爲通編二十一次類記二十一次聖蹟二賢蹟

一次倣史記述孔氏宗子及東野氏四氏襲職以後爲世家

二列傳三十七而以闕疑補遺終焉其叙曰  
天垂奎象聖人則之奎臨魯野斯文在茲惟

聖憲天惟

君作師行道明道萬世一時恭紀

奎文第一第二

思樂泮水奕奕新宮

天子駐罕以告成功清泉感沸古栢蒼葱億萬斯年萬勿齊崇

撰圖考第一

昔在金天定都崇阜亦越元公分茅開後道統之傳遙相授

受有仙闕宮遺墟不朽撰圖考第二

四尺崇封防山之北泗水卻流天開聖域聖宅舊區聖廟翼

申縣志序

四

翼天地並參萬世無極撰圖考第三

於戲顏子陋巷門閭崇閎輪奐與聖爲徒惟曾及孟匪產茲

區而生居魯而沒依洙子孫世世爲四氏儒爲吾邑籍畛域

難殊載瞻林廟以次並圖撰圖考第四

巍巍尼邱誕毓大聖洙泗之間聖教以盛舊蹟長留書堂遙

並學水學山匪日吟詠仰之鑽之盡性至命撰圖考第五

天分奎婁地峙尼防秀靈鍾聚川澤洋洋高埔屹屹爰衛宮

墻捍城守土敬告銅章撰圖考第六

惟

聖尊聖彛麗用頒從周愜志犧象斑爛簠簋笙簧各以其班質

文兼脩萬舞攸嫺撰圖考第七至第十一

湖邑嘉名著于禮傳少昊之墟爰開魯甸報政遲遲尊親風  
變惟王禮樂公廟用薦逮乎春秋因事而見譏通編第一  
葵邱霸盛魯道愈衰會盟征伐奔命以疲政在大夫大柄內  
移襄之末載國以不支譏通編第二

周室既衰諸侯擅柄天生聖人匡亂反正不遇明王老於歷  
聘歌鳳泣麟亂靡有定魯以削亡奉楚之令魯縣更名卒歸  
秦政譏通編第三

秦火焚坑聖孫遜逸漢祀太牢中天皎日表章六經天開濛  
室賜邑封侯褒成薦飢爰及周公褒魯有秩大盜篡國爵以  
俱失譏通編第四

曲阜縣志序

五

漢官作郡荆棘始除褒成襲爵迺復故居地歸東海數駕屬  
車會朝祠祭悉索何如孝和之末始官孔澍相平相勅爰營  
墓廬譏通編第五

魏遷龜鼎崇報亦優置官建廟宗聖封侯爰尊顏子配享也  
百神明世胄丕踐厥猷中原雲擾乃棄先坵譏通編第六

元嘉之初始獨廟戶樂用登歌八佾斯舉謚由魏人曰文聖  
尼父爰及周公並奠清酌何獻維獻烏塗毒編戶隋定縣名  
亂離何怙圓朗稱兵益俸我瘡譏通編第七

唐尊周孔並薦普蒸先師先聖以配以升瀛洲啟館聖裔借  
登乾封開元懋典丕繩亦有賢宰奉顏豆登賊兵侵畧大節  
峻嶒譏通編第八

聖者子孫多崇氣節亦顯于時輝其閭閻何天祐之初遭茲

顛蹶賊末不仁敢行篡逆誅止其身未單天罰譏通編第九  
天開宋運奎聚五星聖道以顯不建廟庭觀風廣魯周孔禮  
成惑於老氏仙源改名景靈宮觀毒我蒼生譏通編第十

疑安大樂肇自仁宗洒掃林廟中戶是充肇新廟學毓聖崇  
封九章之服追尊齊公御書殿榜百世猶崇荆舒何事裁省  
尸工三經新義而頒學宮譏通編第十一

金源虎臣保茲聖墓衍聖製封寢宮營度載錫閣名服冠韶  
護配祀賢儒像設增塑彼寇之災燬茲槍樹物之苑枯亦各  
有數譏通編第十二

曲阜縣志序

六

大成加號至大之元崇封啟聖追溯洪源爰及元姬典禮攸  
敦迺定四配屏蠻蘋蔡尼山寢廟肇作墉垣簞瓢故宅有閱  
其門譏通編第十三

明祖崇儒錫公帶礪錫勅世官寵承帝制陋巷大宗及乎孟  
齋初妥紳珩丞嘗罔替爰葺帝陵開其蒙翳守以熊羆蹲之  
鼠屬譏通編第十四

相地建碑重輝聖宇不戒于災火炎梁柱既作新宮寇橫于  
莽震盪廟庭戕焚士女移縣護防爰興百堵譏通編第十五

法以人更罷茲世職旋復其官慎遴賢德外史初修廟林齊  
飭耳額請加鄉闈連陟西郭新祠歆茲黍稷譏通編第十六  
於鏢

皇清

聖人首出定鼎開天先崇道術渥澤濃恩繁星麗日至聖尊稱

萬年祇通謨通編第十七

於皇

聖祖至聖同符目明大道恢廓前模光臨晉壁典重球圖周公  
鬼餒亦侑饗孟祀田世秩不顯聖謨謨通編第十八

穆穆

憲皇五王晉爵詣學諱名鳴龍振鐸火及杏壇

皇心愈恪重煥宮墻載新丹雘爰葺聖林鉅工並作天鑒敬誠

卿雲重焯謨通編第十九

惟

聖天子尊聖彌虔君師道合聞見知全隆儀繩武丕擴前編類  
祠少皞金德殖傳辨香元聖惟道孝讓通編第二十

曲阜縣志

七

我

皇盡制易厥世官宜民通變濃澤覆履五

臨洙水薄海騰歡于萬斯億翹仰

金鑾謨通編第二十一

百里彈丸村莊城邑神化過存山川有色謨類記疆土第一  
土會土宜生財攸別利在因民愛養樽節謨類記物產第一

遺俗淳龐一變至道矧值重熙德風民草謨類記風俗第二

親民之職養之教之駿奔邊豆亦各有司謨類記職官第四

第五

薄賦輕徭淪肌浹髓免役蠲租加恩聖里謨類記賦役第六

教思無窮並典兩學霞蔚雲蒸道淵文禩謨類記學校貢舉

第七

備豫不虞以寧四境豈曰聖鄉而無旣警謨類記武備第八  
歲物豐成吉蠲為饋敬共明神黜其淫祀謨類記秩祀第九  
惟軌度文

聖朝所定卿士庶民是彙是訓謨類記禮典第十第十一

世爵土田自天錫賚惠我兆民涵濡汪濊謨類記

恩例第十二第十三

鄉姓名區匪誇遊覽高山景行古人所感謨類記古蹟第十

四第十五

漢隸唐分集于所好六一諸編未殫厥奧謨類記金石第十

六第十七

曲阜縣志

八

為聖人後近聖人居難為言者其言何如謨類記著述第十

八

東哲補亡騷猶補楚集此歌詩惟其近古謨類記風雅頌第

十九二十二十一

知聖之難如蠡測海史記世家以誕獲罪敬法紫陽芟其煩

猥四配遺徽亦慎輯采謨聖蹟第一第二

先賢遺事眾說紛紜我遵今制敬識所聞謨賢蹟一卷

上公主嚔代永終譽世官博士各記其初謨世家第一第二

世病乎直人味其和臧氏之子其如命何謨展氏列傳第一

伯兮齊美仲也同譏卜僭而吉寶龜何知謨臧氏列傳第二

獻能幹蠶莊實象賢秉人之幹識聖之傳問仁問孝亦紹其

先讓孟氏列傳第三

温温穆叔知死之三胡沉于女而喪于男婚平牛禍亦挫虎  
就寢齋祈死亂是用餒讓叔孫氏列傳第四

為公室輔遂長三桓有靈兩社世保巨奸彼婦不逐孺子不  
完自貽伊戚城輦空歎讓季氏列傳第五

胥非兄惡它肖父賢著聞于國以永其傳讓叔氏子服氏列  
傳第六

政在世卿迺運賢路忠義枕戈莫回天步讓子家前後諸人  
列傳第七

專門經學各有師承斯文未喪賴此諸生讓周漢諸儒列傳  
第八

曲阜縣志序

九

敵于擁盾仇仇左軍穿石敵木斫斫皇墳伐柯操斧世紹前  
聞讓孔樹孔藜孔臧孔琳列傳第九

秦焰既熄魯壁初開金絲響震蚪蚪書迴以今警古天啟風  
雷晦于巫蠱用缺後來讓孔安國孔建孔豐孔僖孔季彥列  
傳第十

吉保皇孫丹衛太子閉戶全生伏蒲請死陰德顯功侯封累  
祀讓丙吉史丹列傳第十一

游俠之徒曰知變節孟坐祆言以要鉄鉞雲憤其窮猛於訕  
許折檻勿修幸迺鯨刑讓眭孟朱雲列傳第十二

赫赫太師明經飭行履滿思謙憂心恻恻遜於不虞以保天  
命讓孔光列傳第十三

君魚幹蠱儒立頑廉孫曾衣德高位巖巖逢時之否比於談  
僉一麾作郡有口皆稱讓孔奮孔奇孔嘉孔穌孔扶列傳第  
十四

太山著勞北海齊美兄邁屯難弟遭否匪登李龍門脫卓虎  
尾拯劉于厄辨楊之誹不避鄰蠅以陷曹鬼卵覆巢傾毒哉

蛇虺讓孔宙孔翊孔彪孔褒孔昱孔融列傳第十五

顏宗南渡遂徙于西文章斐蔚分軌合軛舍生避死其志迺  
駸讓顏延之顏竣顏見遠顏之儀列傳第十六

去聖既遙羣言紛亂惟孔顏孫同心仰鑽考訂疏明示我道  
岸讓顏師古孔穎達列傳第十七

曲阜縣志序

十

漁陽鞀鼓挫於二顏成仁取義先後一班弱翁隱者以亂出  
山再招畔逆迺構災忠讓顏杲卿顏真卿孔巢父列傳第十  
八

德行先孝有大中小友于敦睦皆民之表讓孝義列傳第十  
九

仁人志士視死如歸股肱力竭捐命揚徽讓忠義列傳第二  
十

易稱嘉遯詩詠考槃高尚其事不刺素餐讓隱逸列傳第二  
十一

獨行之士為世難能志其高誼亦傲骨儻讓卓行列傳第二  
十二

為逐雀鵲為朝陽鳳義取回天以直以諷讓言語列傳第二

十三

維屏惟藩為憲文武我思古人邵棠卯雨讓節鎮監司列傳

第二十四

師帥吾民承流宣化治以丞丞考惟下下讓守令列傳第一

十五

見智見仁惟其所取寢饋六經以窺戶牖讓經學列傳第一

十六

輪轅徒飾矧此虛車篤其實者以藝致舉讓文苑列傳第一

十七

辭為選首稽古之榮不貪溫飽不負科名讓高第列傳第二

十八

曲阜縣志序

士

桓桓都署丕肅軍容挽強善射筆敏戎功豹韜龍節有韃王公提師西鄙載績英風讓張進王澄列傳第二十九

我思賢尹作宰維桑恩威兼濟永世不忘我從其後睦乎遙望讓縣尹列傳第三十

建學立師非云養老卓矣導江舍經味道私淑聞風亦抒懷抱縣學範模誰與徵考讓學師列傳第三十一

小道可觀爰存群伎何以神奇精專之至讓方伎列傳第三十二

女子無儀其儀不忒禮法仁賢為閭閻則讓賢淑列傳第三十三

未婚守義是謂幽貞異室同穴奇行足旌讓貞女列傳第三十三

十四

從容蹈火憤激沉河殉夫之烈亦振顛波讓烈婦列傳第二

十五

恒其德貞義惟從一日未亡人有如嗚日讓節婦列傳第二

十六

詩吟壽母矧日期頌

國家之慶以享純禧讓貞壽列傳第三十七

徵文考獻先孔氏書次諷顏孟東野所寤衷于經史慎記其餘怪神不錄仙佛用祛郭公夏五例亦闕如惟虞鑿妄見斥

橫渠讓闕疑一卷

凡此志書發凡起例文附事傳非云選藝矧厥多又有言皆

贅體要斯崇繁燕用雍惟我憚愚見聞莫逮異地殊時網羅

曲阜縣志序

士

帶泥或昧其元而捐其細誰與補之敬煥後世讓補遺一卷

皇清乾隆三十九年歲在甲午春正元日

賜進士出身奉直大夫濮州知州前曲阜縣知縣潘相敬撰

二

曲阜縣志目錄

卷一 恭紀  
奎文卷二同

聖祖仁皇帝御製文

世宗憲皇帝御製文

今皇帝御製文

卷二

聖祖仁皇帝御製詩

世宗憲皇帝御製詩

今皇帝御製詩

卷三 以下圖考

古泮池

行宮

卷四

少昊陵周公廟

卷五

啟聖王林至聖林廟

卷六

顏曾思孟林廟

卷七

尼山書院洙泗書院

卷八

縣境縣城

卷九

曲柄黃蓋 鎮圭 法琅銅香鼎 法琅香盒 法琅

燭臺 法琅花瓶松竹梅 金龍朱漆几

卷十

周木鼎 周亞尊 周犧尊 周伯彝 周冊卣 周

蟠夔敦 周寶簠 周夔鳳豆 周饗養甗 周四足

鬲

曲阜縣志目錄

卷十一

爵 登 銅 簠 簋 豆 篚 俎 尊

卷十二

庵 夾鍾鎛鍾 南呂鎛鍾 編鍾 夾鍾特磬 南

呂特磬 編磬 琴 瑟 排簫 簫 笛 篪 笙

壎 鼓 搏拊 祝 敔

卷十三

節 籥 羽

卷十四

香鼎 花瓶 燭臺

卷十五 以下通編

起周武王十三年盡惠王二十五年

卷十六

起襄王元年盡靈王二十年

卷十七

起靈王二十一年盡秦王政二十四年

卷十八

起秦始皇二十六年盡西漢之末

卷十九

起東漢光武建武元年盡獻帝建安二十五年

卷二十

起魏黃初元年盡晉元熙二年

曲皇曆書目錄

卷二十一

起宋永初二年盡隋大業十三年

卷二十二

起唐高祖武德元年盡元宗天寶十五年

卷二十三

起肅宗至德二年盡五代周顯德六年

卷二十四

起宋太祖建隆元年盡真宗乾興元年

卷二十五

起仁宗天聖元年盡欽宗靖康元年

卷二十六

起高宗建炎二年盡元成宗大德十一年

卷二十七

起武宗至大元年盡順帝至正二十七年

卷二十八

起明太祖洪武元年盡英宗天順八年

卷二十九

起憲宗成化元年盡世宗嘉靖四十五年

卷三十

起穆宗隆慶元年盡莊烈帝崇禎十六年

卷三十一

大清

曲皇曆書目錄

世祖章皇帝順治十八年

卷三十二

聖祖仁皇帝康熙六十一年

卷三十三

世宗憲皇帝雍正十三年

卷三十四

今皇帝乾隆元年至二十年

卷三十五

今皇帝乾隆二十一年至萬萬年

卷三十六 以下類記

疆土 使館 里至 村莊 星野 形勝 城池 街巷 如縣 四氏亭 碑亭 廟亭 井

卷三十七

物產 五穀 粟 菘 打木 菘芥 粟材 羽毛 絲

卷三十八

風俗 宵序 同風

卷三十九

職官一 知縣 四氏學教授 李錄 儒學教諭 訓導 典史

卷四十

職官二 翰林院 五經博士 太常寺 博士 尼山書院 學錄 休休書院 學錄 聖廟 執事官 世襲 六品官 奎文閣 典書 司樂 守備 林廟 戶 吏 田管勾 知印 簿書 書寫 送送 隨朝 伴官

卷四十一

曲阜縣志目錄

五

賦役

卷四十二

學校 貢舉 四氏學 縣學 教諭 陪祀 恩貢生 歲貢生 武科 恩應 名列 壯翁 而不能詳者

卷四十三

武備 里馬

卷四十四

秩祀 社稷 神祇 先農壇 文廟 關帝 名宦 聖廟 入婚廟 大神廟 東嶽廟 先賢祠 后土之神 司工之神 祭神 門神 司命 少昊 陵周 公廟 顏子廟 關土地 馬神 文昌宮 報德廟

卷四十五

禮典一

皇帝釋奠先師之禮

視學之禮

巡幸之禮

幸魯講學之禮 祠祭之樂

回鑾之樂

車駕出入樂章

賜衍聖公燕樂章

皇帝詣聖墓前奠酒儀

遣皇子祭告儀

遣郡王祭告崇聖祠儀

曲阜縣志目錄

六

遣官酌酒啟聖王墓前儀

皇帝親祭少昊陵儀

遣官祭少昊陵周公廟儀

遣官祭顏子廟儀

卷四十六

禮典二 衍聖公丁祭儀 地方官丁祭儀 迎春禮 崇祀名宦鄉賢禮 旌表節孝禮 敬老之禮 慈幼之禮 鄉飲酒之禮 冠服之制 附 鞠典 婚喪禮 祭禮 墳墓規制

卷四十七

恩例一 祭田 集稅 廟戶 禮生 樂舞生 封贈

卷四十八

恩例二 優卹諸生 養老 保息 荒政

卷四十九

古蹟一 古帝 周魯 聖里 林廟 聖像 壁書 石儀 無字碑 喬木 懸甕 古書 歌罷鼎 五尊

卷五十

古蹟二 靈光殿 景靈宮 義門 中丞宅 虛白堂 圓亭 遺琴 遺笏 冢墓 坊表 廢厓

卷五十一

金石一 漢五鳳石刻 銅尺 百石卒史碑 謁孔廟 孔彪碑 孔褒碑 禮罷碑 孔宙碑 史晨碑

卷五十二

金石二 魏孔子廟碑 北魏魯郡太守碑 東魏孔子廟碑 北齊夫子廟碑 隋孔子廟碑 唐孔子廟碑 元碑十六 明碑二十 又修廟碑 宋碑九

曲阜縣志目錄

七

國朝碑一

石刻

卷五十三

著述 經史 子集

卷五十四

風類

卷五十五

雅類

卷五十六

頌類

卷五十七

聖蹟

至聖先師孔子

卷五十八 聖蹟

顏曾思孟

卷五十九 賢蹟

孔門弟子七十九人

卷六十 世家

孔氏宗子

卷六十一 世家

東野氏 顏氏 曾氏 孔氏奉述聖祀事 孟氏

卷六十二 以下列傳

展氏

卷六十三

曲阜縣志目錄

八

臧孫氏

卷六十四

孟孫氏

卷六十五

叔孫氏

卷六十六

季孫氏

卷六十七

叔氏子服氏

卷六十八

康仲 申繻 曹劌 里華 冷區夫 閔馬父

家羈 師伯榮成伯家臣 周登 宰質  
睢 宛春 杻汜 翠鉏 南宮邊子 公儀休 西巴

卷六十九 橋庇 周翽 夏侯都尉 馮賓 夏侯始昌 夏侯

勝 夏侯建 曾申 孟仲子 毛亨 申培 許生  
白生 穆生 穀梁赤 榮廣 皓星公 顏安樂

高堂生 閻邱卿 徐生 夏侯敬 制氏 扶卿

卷七十 孔樹 孔萊 孔臧 孔琳

卷七十一 孔安國 即確衍立元 孔建 仁 孔豐 孔僖 長彥 孔季彥

卷七十二 丙吉 史丹

卷七十三 眭弘 朱雲

卷七十四 孔光

卷七十五 孔奮 孔高 孔鮒 孔扶

卷七十六 孔宙 謂彪 孔褒 孔昱 番嚮 孔融 又和潛

卷七十七

顏延之 顏竣 即象顯 顏延之 顏延之

卷七十八 顏師古 孔穎達

卷七十九 顏杲卿 景明 顏真卿 孔巢父

卷八十 孝義 顏丁 顏盛 仲時馨 顏會 顏髦 孔愉 蓋備

韓靈珍 顏協 顏之推 顏衍 東野宜 顏詡  
孔彥輔 孔啟 孔克伸 孔士份 孔信 孔公

鉉 孔承夏 孔開論 孔承懿 孔承厚 顏存信  
陳炯 顏嗣溫 孔弘轉 孔弘實 孔貞稔 毛

搏霄 顏伯瓌 孔衍振 孔尚錄 孔衍劭 顏光

朝 孔興永 孔毓頴 孔毓珍 孔貞鉉 孔貞燦  
支文烈 魏嘉祥 桂枝琴 陳大猷 王承訓

卷八十一 忠義 孔毓琮 孔尚鑄 孔興浩 魏儀 孔搏鈺 孔行鈺

孔德紹 孔宗旦 顏瑜 孔承浦 馬鏞 何世臣  
貝翰 霍如梓 孔聞籍 孔貞璞 顏孕紹 孟承光

卷八十二 隱逸 孔興聖 典燦 孔行備

顏闕 公儀僭 黔婁 孔淳之 孔嗣之 孔祐  
孔道徽 孔摠 韓準 裴政 張叔明 陶沔 孔述齋

東野子儀 孔公驤 孔公卿 孔貞灼 孔翁鈇

卷八十三 卓行

魯男子 顏叔子 孔群 孔祇 孔秀之 顏春卿

顏允南 季償 顏太初 孔端隱 東野瑀 孔

思友 孔公田 孔公郁 孔公怡 孔闈檀 孔宏

蘊 孔周舉 顏伯執 孔貞瑤 孔貞良 馬伶

周宗武 孔傳梅 顏紹錫 紹煥 孔傅相 顏紹聲

卷八十四 言諫

孔坦 孔琳之 孔奐 孔楨 孔截 孔道輔 孔

宗翰 孔思迪 孔思立 孔訥 魏紳 孔公恂

孔闈詩 孔興鈺

曲阜縣志目錄

十一

卷八十五 節鎮監河治蹟

孔靖 孔休源 孔戮 孔戢 孟麟 孟鳳 黃子

美 孔闈諫 魏肯搆 孔興洪 孔興璉 孔毓珣

孔繼洞

卷八十六 古今治蹟

孔觀 孔靈符 顏游泰 顏允臧 孔昌寓 孔括

孔承恭 孔勛 孔元敬 孔彥祿 孔闈定 孔

公才 孔尚則 孔貞來 魏煜如 孔衍洪 黃敬

璣 李允徵 孔興翰 顏伯珣 顏光昌 陳見智

顏光是 孔尚惇 呂坊之 孔尚基 顏肇維

孔傳樞 顏肇亮 孔傳熹 孔傳堂

卷八十七 經學

孔猛 孔衍 夷 顏欽 孔賢 孔若思 季讓 顏仲昌

顏復 孔傳 孔元龍 孔端甫 孔之載 孔之

謹 孔思睿 孔諤 孔論 孔公恪 孔希永 孔

彥倅 孔承側 孔闈納 孔衍樞 孔尚珥 孔貞

瑄 顏光猷 顏光敏 孔尚任 顏光敬 顏紹繼

卷八十八 文苑

劉琰 孔珪 顏思魯 顏晃 孔紹安 顏相時

顏勤禮 顏昭甫 顏元孫 顏惟貞 孔希恭 孔

彥臣 孔宏頡 賈應龍 孔闈詩 孔衍棧 顏懋

倫 顏懋僑 顏懋企 顏懋价 陶湘 孔毓鈺

曲阜縣志目錄

十二

卷八十九 雜甲

顏康成 孔策 孔溫業 孔敏行 孔振 孔拯

孔穉 孔穉 黃孫懋

卷九十 武功

張進 王澄

卷九十一 邑令

孔克欽 孔克中 孔希範 孔諤 孔燮 孔公鏗

孔克珪 孔宏復 孔貞叢 孔闈簡 孔貞堪

孔尚倫 孔衍淳 孔興認 孔衍澤 孔毓琚 孔

傅松 張若本

卷九十二 學博

張頤 孔思逮 張敏 裴侃 孔克晏 江混 孔

克晏 孔公璜湯中允

卷九十三 方使

匠師慶 卜楚邱父 梓慎 東野畢 巫官變 師

孽師乙有 師襄蘇巴 魯石公 公輸子 梓慶 公孫

臣

卷九十四 賢淑

孝義保列女

卷九十五 貞女

顏文姜列女

卷九十六 烈婦

曲阜縣志目錄

三

宋伯姬列女

卷九十七 節婦

陶氏列女

卷九十八 壽婦

賈倪氏列女

卷九十九

闕疑

卷一百

補遺

曲阜縣志目錄終

曲阜縣志卷之一

奎文第一之一

聖祖仁皇帝御製文

幸魯盛典序

朕惟自古帝王聲教翔洽風俗茂美莫不由於崇儒重道典  
學右文用能發詩書之潤澤宣道德之闡與推厥淵源皆本  
洙泗以故追崇之典歷代相仍或躬詣闕里修謁奠之儀潔  
志肅容盡誠備物其間禮數隨世損益至於希風服教百代  
式型異世同揆莫之或二猗歟盛矣朕臨御以來垂三十載  
溯危微之統緒念生安之聖哲恒慮涼薄未克祇承用是夙  
夜亶心孜孜不倦惟我至聖先師孔子配天地參陰陽模範

曲阜縣志卷一

奎文

百王師表萬禩朕每研搜至道涵泳六經覺憲章祖述冊定  
贊修之功日星揭而江河流私心嚮往竊有願學之志焉乃  
者東巡踰泰岱涉泗沂遂過闕里親行釋奠得瞻廟貌仰聖  
容以為德盛功隆欽崇宜極凡厥典禮有加前代又親製文  
辭手寫以樹之貞石務用導揚至教風示來茲夫緬懷曩哲  
繼躅前賢猶思賻其物采接其居處况先師遺風餘烈久而  
彌新重以朕之寤寐羹牆儼乎如見及過杏壇相圃之閒山  
川儼然檜楫如故彷彿金石絃誦之聲聞於千載而上流連  
往復不能自已也衍聖公孔毓圻上疏陳謝且以禮儀隆重  
非直一家榮遇請修幸魯盛典一書朕既可其奏久之書成  
復請敘言以冠其端朕萬幾餘曷敢勉弗遑贊欲默契先師

尊聞行知於以阜物誠民風同道一庶幾躋世運於唐虞登治術於三古是書也豈徒使天下後世知朕於先師欽慕無已如此且愈以見聖人之道覆轡羣倫苞毓萬象卽凡車服禮器之遺皆足令人感發而興起也故賜之序

孔子贊併序

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰迥前徽堯舜禹湯文武達而在上兼君師之奇行道之聖人也孔子不得位窮而在下秉刪述之權明道之聖人也行道者動業炳於一朝明道者教思周於百世堯舜文武之後不有孔子則學術紛淆

聖賢志卷一

奎文

二

仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之贊曰清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂既窮象繫亦嚴筆削上紹往緒下示來型道不終晦秩然大經百家紛紜殊途異趣日月無踰堯牖可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜助哉令圖溯源洙泗景躅唐虞載歷庭除式觀禮器摛毫仰贊心焉退企百世而

上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱牆高萬仞夫子之堂孰窺其藩孰窺其徑道不遠人克念作聖

顏子贊

聖道蚤聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用行舍藏王佐之器

曾子贊

洙泗之傳魯以得之一貫曰唯聖學在茲明德新民止善爲期格致誠正均平以推至德要道百行所基纂承統緒修明訓辭

聖賢志卷一

奎文

三

子思子贊

於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠

孟子贊

哲人既萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇並垂六藝孔學攸傳禹功作配

古檜賦併序

孔子手植檜在杏壇之側金貞祐間無復存矣元至元三十年再茁故處明弘治間又燬於火今所遺者不枯不榮屹立

霜露而秀色獨異撫摩久之乃作賦曰維槎枿之靈質實鈞  
化之所鍾標扶輿之奇特時先聖之故宮涵元氣以不朽與  
至道而俱崇爾其黛幹蒼蒼孤柯濯濯鶴骨初扶霜鱗未作  
儼茁軋以方舒類鴻荒之忽鑿謝縹采於春華完淳風於太  
樸天矯拂勃星臨露滴枝無取於樛樛葉全稀於撼撼夕飈  
度兮弗驚朝旭烘兮如滌伊閒氣之潛滋惟神爽之咸集徘  
徊延卻宛轉斷連蟠屈兮若份羽之在列聳削兮若箕虛之  
待懸則有築以崇封沃以膏壤方以周闡角以文祿足縮心  
獻目給神賞羅煙奪翠松籟失響於是楷因之而擢穎著感  
之而抽莖爭葳蕤於絃誦之里齊扶踈於禮樂之庭朝菌慚  
兮一旦大椿讓兮千齡上沂真宰之功遠契無爲之代均雲  
行兮雨施等乾始兮坤載疇則出混茫之中而居耳目之外  
與三才以並植綿歷禩其長在亦有扶桑海表若木山巔東  
瀛西極揭日摩天迹雖誇於神異植非出於文宣宜瞠乎其  
後矣遐無得而稱焉

闕里孔子廟碑

朕惟道原于天弘之者聖自庖犧氏觀圖畫象闡乾坤之秘  
堯舜理析危微厥中允執禹親受其傳湯與文武周公遞承  
其統靡不奉若天道建極綏猷覓乎尚矣孔子生周之季章  
布以老非若伏羲堯舜之聖焉而帝禹湯文武之聖焉而王  
周公之聖焉而相也歸然以師道作則與及門賢哲紹明絕  
業教思所及陶成萬世是伏羲堯舜禹湯文武周公之統惟

曹縣志卷一

奎文

四

孔子繼續而光大之矣聞嘗誦習詩書之所刪述大易之所  
演繫春秋之所筆削禮樂之所修明本末一貫根柢萬有殆  
與覆載合其德日月並其明四時寒暑協其序焉故曰仲尼  
之道一天道也朕敬法至聖景仰宮牆嚮往之誠弗釋寤寐  
歲甲子十有一月時邁東魯躬詣曲阜展修祀事復謁聖墓  
循撫松栝儀型在望優乎至德之親人也朕忝作君啓闕下  
民深惟夫子師道所建百王治理備焉舍是而圖邇邇曷所  
依據哉因勒文於石彰朕尊崇聖教以承天治民之意系以  
辭曰遐哉三五維辟之式於皇尼山師道允植天畀木鐸覺  
彼羣生百行以正六籍以明賢遇唐虞聖則河洛綏和動來  
文博禮約鳳衰雖歎麟德感祥學昌洙泗統歸素王炎漢崇  
儒太牢用享厥後賢君高山是仰予懷至聖淮彼東方音徽  
云邈道德彌光鬱鬱榮林峩峩祠殿企慕安窮美牆如見泰  
岱匪高東海匪深敬仰懿軌終古式欽

重修闕里孔子廟碑

朕惟大道昭垂堯舜啓中天之聖禹湯文武紹危微精一之  
傳治功以成道法斯著至孔子雖不得位而贊修刪定闡精  
義於六經祖述憲章會衆理於一貫爲往聖繼絕學爲萬世  
正人心使堯舜禹湯文武之道燦然丕著於宇宙與天地無  
終極焉誠哉先賢所稱自生民以來未有盛於孔子者也往  
歲甲子朕巡省東方躬詣闕里登聖人之堂祇將祀事睹其  
車服禮器金石絃歌蓋徘徊久之不能去焉願聖廟多歷年

曹縣志卷一

奎文

五

所丹雘改色榑桷漸圯用是怒然於心特發內帑專官往董其役鳩工庀材重加葺治經始於辛未之夏事竣於壬申之秋廟貌一新觀瞻以肅蓋深惟孔子之道垂範今古朕願學之志時切於懷每考天人性道之原修齊治平之要思以遠紹前緒屬迪生民凡所以尊崇褒顯者靡不隆禮竭誠以將景行仰止之意而况廟庭之地尤為聖人神明所憑依者哉今者登堂而陳俎豆入室而習禮儀營構既堅采章彌煥庶幾於朕心深有慰焉用是特遣皇子允祉敬展禋祀以告落成凡我臣民瞻仰宮牆倍增嚴翼尙益思敦崇德義砥礪倫常以不負朕尊師重道之意豈不休歟因勒貞石系以辭曰麟書啓瑞素王挺生上律下襲玉振金聲範圍百代陶甄萬

曹縣志卷一

奎文

六

類道備中和德參天地立型垂訓師道昭宣象懸七曜海納百川曩巡東魯臨河登岱峩峩尼山美牆斯在虔恭展謁至德是欽宗風溥博教澤闊深洙泗之陽殿寢翼翼上棟下宇神靈安宅冬官特飭締造維新宏規大啓肅奉明禋聖人之居永以觀德千載傳心四方式則

周公廟碑

世運代嬗隔越千載則必有神哲挺生其間以承大統以作名世惟公體上聖之質紹祖考之德孝友篤仁左右寧王厥勳爛矣及乎負展能以勤勞寅恭惇大忠信之道翼贊其君太和洽而頌聲作焉夫功莫大于致治綏邦業莫隆于制禮作樂公身兼數器開物成務其麗鴻炳燦之烈既已載于詩

書志諸史冊至于繫爰辭定官禮撰爾雅出言爲經又何難窮也昔孟子論列古帝王至于公曰兼三王施四事而韓愈亦歷敘堯舜禹湯文武以至公蓋道統之傳如此豈僅以治理之彰彰者與遙想風徽官公遺廟俾昭世懌於無窮既命有司新公廟貌希慕之餘勒石頌德而繫之以詩詩曰遠古民樸混混茫茫列聖經綸肇軒迄商敘厥倫紀賁以承章公監二代揆時立制有因有除禮明樂備體國經野成理萬彙集武之勳紹文以孝代成誠民並孔立教爲子爲臣是則是效宗邦綿歷忠厚所貽貞珉載鐫作頌致思鳧嶧同時億禩爲期

孟子廟碑

曹縣志卷一

奎文

七

自王迹熄於春秋聖人之道或幾於泯滅卒之晦而復明歷千百世而不敝者特有孔子也孔子沒百有餘年浸假及于戰國楊墨塞路禍尤烈于曩時于與氏起而闢之于是天下之人始知誦法孔子率由仁義斯道之傳至于今賴之是以後世學者如韓愈蘇軾之徒咸推其功以配大禹而閩洛之儒咸尊爲正學之宗傳烏虜盛已夫洪水之禍止于人身已爾楊墨之禍隱然直中于人心不有孟子使楊墨濫觴于前釋老推波于後後之人雖欲從千載之下探尼山之遺緒其孰從而求之因推述厥義刻文于石俾揭于鄒之廟其文曰尼聖既往復矣音徽後百餘歲聖緒浸微尙異實繁揚墨說煽陷溺之禍酷于昏墊惟于與氏距彼放淫以承先聖以正